



Inatsisartunut ilaasortaq Lene Knüppel, Demokraatit

§ 36-mut atatillugu kalaallit aningaasai pappiaqqat pillugit apeqqutinut akissut

22. maj 2012

Naalakkersuisut kalaallit aningaasai pappiaqqat pillugit apeqqutinik arlalinnik tigusaqarput, tamatumunngalu atatillugu imatut akissutissaqarlutik.

Postboks 1037
3900 Nuuk
Oq/tel +299 34 50 00
Fax +299 32 46 14
oed@gh.gl
www.nanoq.gl

Apeqqut siulleq

Naalakkersuisut akissuteqaataata ilaani imatut allaqqasoqarpoq: "Massakkut Naalakkersuisut ilimagingilaat, naalagaaffiup aningaaseriviutaata sinneqartoorutaanik agguaasarneq allannguuteqassasoq.

Naalakkersuisut isumalluarnerat sumik tunngaveqarpa?

Akissut

Kalaallit Nunaanni naalakkersuisut, danskit naalakkersuisuisa naalagaaffiullu aningaaseriviutaata akornanni oqallinnermut atatillugu naalagaaffiup aningaaseriviutaata sinneqartoorutaasa allannguuteqarsinnaanerannut periarfissaq eqqaaneqanngilaq. Taamaattumik sinneqartoorutinik agguaasarnerup allannguuteqarnissaanik naatsorsuuteqarnissamut Naalakkersuisut maannangaaq tunngavissaqanngillat. Maannakkut isumaqatigiissutip kingunerisaanik Namminersornerullutik Oqartussat naalagaaffiup aningaaseriviutaata ataatsimut sinneqartoorutaanit pissarsiaqartarput.

Apeqqutit aappaat

Naalakkersuisunit piviusutut isigineqarpa, Kalaallit Nunaat Savalimmiullu ungasinnerusoq isigalugu naalagaaffiup aningaaseriviutaata sinneqartoorutaanik pissarsisarnissaat, assigiinngitsumik naatsorsorneqartassasut, assigiinngissutsimut pissutaasoq peerneqarpat kalaallit aningaasaasa pappiaqqat atulernerisigut?

Akissut

Qulaani akissut nangillugu naalagaaffiup aningaaseriviutaata sinneqartoorutaanik agguaasarnerup allannguuteqarnissaanik naatsorsuuteqarnissamut naalakkersuisut maannangaaq tunngavissaqanngillat.

Apeqqutit pingajuat

Naalakkersuisut apeqqummik paatsuugaqarsimagunarmata, nutaamik akissutis-inissara piumasaraara. Isumaga malillugu, Naalakkersuisut, Kalaallit Nunaata

namminersulernissaanik anguniagaqartut, siunissami aningaasaqarnermut politikkimik aamma isumaliuuteqarsimasariaqaraluarmata. Naalakkersuisut akerussinnaanaviannngilaat, naalagaaffimmut suliassarinerarlugit, apeqqutit imaatunut: Naalakkersuisut qanoq anguniagaqassappat namminersulernissaq, illersornissamut politikki, nunanut allanut politikki pillugu. Tassa immaappa Naalakkersuisut kissaatiginnikkaat taakku qanoq iliuseqarfiginissaat?

Akissut

Namminersorneq pillugu inatsisartutigoortumik ataatsimut isumalioqatigiissitami maanna annertuumik qulaajaasoqarpoq. Taamaakkaluartoq aningaasaqarnermut politiki pillugu apeqqut Namminersorneq pillugu Isumalioqatigiissitaasimasumi imaluunniit maanna ataatsimut isumalioqatigiissitami oqallisigineqarsimannngilaq.

Namminersorneq pillugu oqallinnermi aningaasaqarnermut politikip annertusiartortumik oqaluserineqartarnissaa siunissami pinngitsoorneqarsinnaanngilaq.

Aningaasaqarnermut politiki maannangaaq naalagaaffimmit ingerlanneqarpoq, taamaattumik aningaasaqarnermut politiki Kalaallit Nunaannut atuuttoq nalunegaanngitsutut Danmarkimit oqaasertalersorneqartarpoq.

Taamaakkaluartoq ineriartorneq ilutigalugu Danmarki namminersortumik aningaasaqarnermut politikimik aqutsinissamut mikivallaangajalerpoq, tamanna ilaatigut takuneqarsinnaavoq ØMU-mi ilaasortanngorsinnaanermut Danmarkimi oqallittoqarneratigut. Ajornartorsiut tamanna aamma Kalaallit Nunaanni annertunerusumik atornerarpoq.

Taamaattumik apeqqutaavoq Kalaallit Nunaat siunissami ungasinnerusumi suli danskit kroniannut, EU-mut taamaalillunilu Euromut ataannassanersoq imaluunniit Kalaallit Nunaat USA-mut taamaalillunilu amerikarmiut dollariannut atalissanersoq.

Apeqqutit sisamaat

Paasisaq ilumoorpa, Naalakkersuisunit isumaasoq, aningaasat pappiaqqat nutaat atornerini Kalaallit Nunaani aningaasat kaaviiarnerisa nalunaarsornissaasa periarfissaat pitsaanerulersitsisussaannngitsoq?

Akissut

Kalaallit aningaasai pappiaqqat atuutilernerisa kingorna aningaasanik pilersuineq allanngornaviannngilaq, tassalu naalagaaffiup aningaaseriviutaa Kalaallit Nunaannut maannamutut aningaasanik pappiaqqanik pilersuisuussaaq. Aningaasat pappiaqqat kalaallisut assiliartanikkiartuaarnissaat assigiinngissutituaavoq.

Taamaalilluni aningaasat pappiaqqat assigiinngitsut atuuttut marluussapput, allatut oqaatigalugu akiliutissat atuuttut ataatsikkut marluussapput. Taamaattumik assersuutigalugu takornariat danskit kroniiniq nassarsinnaapput Kalaallit Nunaanniinerminnilu akiliutitut atorlugit.

Qulaani allassimasut tunngavigalugit naalakkersuisut naatsorsuutigaat kalaallit aningaasaannik pappiaqqanik atuilernerq Kalaallit Nunaanni aningaasat kaaviiartit tat nalunaarsortarneranni periarfissanik immi pitsanngorsaataassanngitsoq.

Inussiarnersumik inuulluaqqusillunga

Josef Motzfeldt